



« 17 » սեպտեմբերի 2017 թ.

Հ Ր Ա Մ Ա Ն

№ 245

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ ՆԱԽԱՐԱՐՈՒԹՅԱՆ ՄԻ ՇԱՐՔ ԳԵՐԱՏԵՍՉԱԿԱՆ ՈՍԿԵ ՄԵԴԱԼՆԵՐԻ ՆԿԱՐԱԳՐԵՐԸ ԵՎ ՎԿԱՅԱԿԱՆՆԵՐԻ ՈՒՐՎԱԳԾԵՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2002 թվականի հուլիսի 25-ի «Հայաստանի Հանրապետության քաղաքաշինության նախարարության աշխատակազմ» պետական կառավարչական հիմնարկ ստեղծելու, Հայաստանի Հանրապետության քաղաքաշինության նախարարության կանոնադրությունը և աշխատակազմի կառուցվածքը հաստատելու մասին» N 1294-Ն որոշման 14-րդ կետի 15-րդ ենթակետով

Հ Ր Ա Մ Ա Յ ՈՒ Մ ԵՄ՝

1. Հիմնել Հայաստանի Հանրապետության քաղաքաշինության նախարարության հետևյալ գերատեսչական պարզկները՝

1) «Քաղաքաշինության բնագավառում նշանակալի ավանդի համար» ոսկե մեդալ.

2) «Տրդապ ճարտարապետ» ոսկե մեդալ՝ իրականացված լավագույն ճարտարապետական կառույցի (բնակելի, հասարակական, արտադրական, բազմաֆունկցիոնալ, ինչպես նաև հոգևոր նշանակության շենք/շինություն, ճարտարապետական համալիր, ճարտարապետական փոքր ձևեր, ինտերիեր) համար.

3) «Մոմիկ ճարտարապետ» ոսկե մեդալ՝ ճարտարապետության պատմությանն ու տեսությանը, հայկական ճարտարապետական հուշարձանների վերակազմման հարցերին, հայ նշանավոր ճարտարապետների կյանքին ու գործունեությանը նվիրված լավագույն գիտահետազոտական աշխատանքի տպագիր հրատարակության համար:

2. Հաստատել՝

1) «Քաղաքաշինության բնագավառում նշանակալի ավանդի համար» ոսկե մեդալի ու վկայականի ուրվագծերը՝ համաձայն N1 հավելվածի և ոսկե մեդալի նկարագիրը՝ համաձայն N1.1 հավելվածի.

2) «Տրդատ Ճարտարապետ» ոսկե մեդալի ու վկայականի ուրվագծերը՝ համաձայն N2 հավելվածի և ոսկե մեդալի նկարագիրը՝ համաձայն N2.1 հավելվածի.

3) «Մոմիկ Ճարտարապետ» ոսկե մեդալի ու վկայականի ուրվագծերը՝ համաձայն N3 հավելվածի և ոսկե մեդալի նկարագիրը՝ համաձայն N3.1 հավելվածի:

3. Ուժը կորցրած ճանաչել ՀՀ քաղաքաշինության նախարարի 2006 թվականի հունիսի 26-ի «Հայաստանի Հանրապետության քաղաքաշինության նախարարության «Քաղաքաշինության բնագավառի նշանակալի ավանդի համար» գերատեսչական ոսկե մեդալի վկայականի ուրվագծերը և ոսկե մեդալի նկարագիրը հաստատելու մասին» N94 հրամանը:

4. Սույն հրամանն ուժի մեջ է մտնում ստորագրման պահից:

Նախարար՝

Նարեկ Սարգսյան

Իսկականի հետ՝ ճիշտ է



ՆԿԱՐԱԳԻՐ

**«ՔԱՂԱՔԱՇԻՆՈՒԹՅԱՆ ԲՆԱԳԱՎԱՌՈՒՄ ՆՇԱՆԱԿԱԼԻ
ԱՎԱՆԴԻ ՀԱՄԱՐ» ՈՍԿԵ ՄԵԴԱԼԻ**

«Քաղաքաշինության բնագավառում նշանակալի ավանդի համար» ոսկե մեդալն ունի շրջանաձև տեսք (31 մմ տրամագծային և 2,5 մմ կողային չափերով), որն օղակով միացված է Հայաստանի Հանրապետության դրոշի էմալապատ պատկերով ուղղանկյունաձև կախիչին:

Մեդալի դիմերեսին ճարտարապետական խոյակ է, երկրորդ պլանում՝ շինարարական կոունկ և շենքերի ուրվագծեր: Մեդալի ներքին մասում շրջանագծին զուգահեռ կորությամբ, հայերեն մեծատառերով գրված է՝ «ՀՀ ՔԱՂԱՔԱՇԻՆՈՒԹՅԱՆ ՆԱԽԱՐԱՐՈՒԹՅՈՒՆ»: Մեդալի շրջերեսին՝ կենտրոնում, հայերեն մեծատառերով գրված է՝ «ՔԱՂԱՔԱՇԻՆՈՒԹՅԱՆ ԲՆԱԳԱՎԱՌՈՒՄ ՆՇԱՆԱԿԱԼԻ ԱՎԱՆԴԻ ՀԱՄԱՐ»:

Մեդալը պատրաստված է 925 հարգի արծաթից և ոսկեջրված 999 հարգի ոսկով:




Հավելված N 1.1

ՀՀ քաղաքաշինության նախարարի
2014 թվականի սեպտեմբերի 17-ի
N 245 հրամանի

ՈՒՐՎԱԳԻԾ

«ՔԱՂԱՔԱՇԻՆՈՒԹՅԱՆ ԲՆԱԳԱՎԱՌՈՒՄ ՆՇԱՆԱԿԱԼԻ ԱՎԱՆԴԻ ՀԱՄԱՐ»
ՈՍԿԵ ՄԵԴԱԼԻ ՎԿԱՅԱԿԱՆԻ

Հայաստանի Հանրապետության
քաղաքաշինության նախարարություն



ՔԱՂԱՔԱՇԻՆՈՒԹՅԱՆ
ԲՆԱԳԱՎԱՌՈՒՄ
ՆՇԱՆԱԿԱԼԻ ԱՎԱՆԴԻ
ՀԱՄԱՐ

ՈՍԿԵ ՄԵԴԱԼԻ
ՎԿԱՅԱԿԱՆ

Հայաստանի Հանրապետության
քաղաքաշինության նախարարություն



ՊԱՐԳԵՎԱՏՐՎԱԾ Է

քաղաքաշինության
բնագավառում
նշանակալի ավանդի համար

Հաստատված է
ՀՀ քաղաքաշինության նախարարի
" " 2014 թ. N _____ հրամանով

վկայական
N _____

Երևան 20 ____ թ.

ՆԿԱՐԱԳԻՐ

«ՏՐԴԱՏ ՃԱՐՏԱՐԱՊԵՏ» ՈՍԿԵ ՄԵԴԱԼԻ

«Տրդատ Ճարտարապետ» ոսկե մեդալն իրենից ներկայացնում է չորս կողմից ոլորված մագաղաթի տեսքով խաչաձև մակերես՝ 40x40 մմ կողմերի և 3 մմ կողային չափերով: Այն օղակով միացված է Հայաստանի Հանրապետության դրոշի էմալապատ պատկերով սեղանաձև կախիչին: Կախիչի չափերն են՝ վերևի մասում 20 մմ, ներքևի մասում 10 մմ, երկարությունը՝ 25 մմ:

Մեդալի դիմերեսին՝ կենտրոնում պատկերված է Տրդատ Ճարտարապետի կողմից կառուցված Անիի Մայր Տաճարը, վերևի մասում հայերեն մեծատառերով գրված է «ՀՀ ՔԱՂԱՔԱՇԻՆՈՒԹՅԱՆ ՆԱԽԱՐԱՐՈՒԹՅՈՒՆ», ներքևի մասում՝ հայերեն մեծատառերով «ՏՐԴԱՏ ՃԱՐՏԱՐԱՊԵՏ»:

Մեդալի շրջերեսին՝ վերևի մասում, անգլերեն մեծատառերով գրված է «REPUBLIC OF ARMENIA», ներքևի մասում՝ անգլերեն մեծատառերով «THE MINISTRY OF URBAN DEVELOPMENT» և փորագրված է մեդալի եռանիշ համարը:

Մեդալը պատրաստված է 925 հարգի արծաթից և ոսկեջրված 999 հարգի ոսկով:




Հավելված N 2.1

ՀՀ քաղաքաշինության նախարարի
2014 թվականի սեպտեմբերի 17-ի
N 245 հրամանի

ՈՒՐՎԱԳԻԾ

«ՏՐԴԱՏ ՃԱՐՏԱՐԱՊԵՏ» ՈՍԿԵ ՄԵԴԱԼԻ ՎԿԱՅԱԿԱՆԻ



ՆԿԱՐԱԳԻՐ

«ՄՈՄԻԿ ՃԱՐՏԱՐԱՊԵՏ» ՈՍԿԵ ՄԵԴԱԼԻ

«Մոմիկ Ճարտարապետ» ոսկե մեդալն իրենից ներկայացնում է չորս կողմից ոլորված մագաղաթի տեսքով խաչաձև մակերես՝ 40x40 մմ կողմերի և 3 մմ կողային չափերով: Այն օղակով միացված է Հայաստանի Հանրապետության դրոշի էմալապատ պատկերով սեղանաձև կախիչին: Կախիչի չափերն են՝ վերևի մասում 20 մմ, ներքևի մասում 10 մմ, երկարությունը՝ 25 մմ:

Մեդալի դիմերեսին՝ կենտրոնում պատկերված է Նորավանքի Սուրբ Աստվածածին եկեղեցու դրվագը, վերևի մասում հայերեն մեծատառերով գրված է «ՀՀ ՔԱՂԱՔԱՇԻՆՈՒԹՅԱՆ ՆԱԽԱՐԱՐՈՒԹՅՈՒՆ», ներքևի մասում հայերեն մեծատառերով՝ «ՄՈՄԻԿ ՃԱՐՏԱՐԱՊԵՏ»:

Մեդալի շրջերեսին՝ վերևի մասում, անգլերեն մեծատառերով գրված է «REPUBLIC OF ARMENIA», ներքևի մասում՝ անգլերեն մեծատառերով «THE MINISTRY OF URBAN DEVELOPMENT» և փորագրված է մեդալի եռանիշ համարը:

Մեդալը պատրաստված է 925 հարգի արծաթից և ոսկեջրված 999 հարգի ոսկով:



ՈՒՐՎԱԳԻԾ

«ՄՈՄԻԿ ՃԱՐՏԱՐԱՊԵՏ» ՈՍԿԵ ՄԵԴԱԼԻ ՎԿԱՅԱԿԱՆԻ

